

GENERALNA DIREKCIJA

Na osnovu člana 5. tačke c) Uredbe o postupku prijema u radni odnos u javnom sektoru u Federaciji Bosne i Hercegovine (Službene novine Federacije BiH, br. 13/19, br. 9/21) i člana 14. stav (5) Pravilnika o radu "JP BH POŠTA" d.o.o. Sarajevo, a u skladu sa Javnim pozivima JU "Služba za zapošljavanje Kantona Sarajevo" od 19.07.2024. godine, "JP BH POŠTA" d.o.o. Sarajevo, objavljuje:

POZIV KANDIDATIMA

U skladu sa Javnim pozivima JU "Služba za zapošljavanje Kantona Sarajevo" od 19.07.2024. godine, i to: „**Program zapošljavanja Pripravnika VSS i SSS**“ i „**Program zapošljavanja šehidskih porodica i porodica poginulih boraca – branitelja, maloljetnih demobilisanih boraca, ratnih vojnih invalida i članova njihovih porodica**“, a u cilju prijave Društva na predmetne programe sufinansiranja zapošljavanja, pozivamo sve zainteresovane nezaposlene osobe prijavljene na evidenciju nezaposlenih u Kantonu Sarajevo, a koji ispunjavaju uslove gore navedenih programa zapošljavanja, da dostave molbu za prijem u radni odnos na određeno vrijeme.

U prilogu molbe potrebno je da zainteresovana nezaposlena osoba dostavi sljedeću dokumentaciju:

- Uvjerenje biroa za zapošljavanje JU "Služba za zapošljavanje Kantona Sarajevo", kojim se dokazuje da su nezaposlene osobe (original ili ovjerena kopija);
- Vaučer za posao, popunjen od strane zainteresovane nezaposlene osobe;
- ovjerene kopije dokaza u pogledu stručne spreme i radnog iskustva koje posjeduju;
- ovjerene kopije dokaza o ispunjavanju posebnih uslova, ukoliko ih kandidat posjeduje (certifikati, uvjerenja o položenim stručnim ili drugim ispitima, vozačka dozvola, dokazi o poznavanju stranih jezika, rada na računaru i sl.);

Dokumentacija dostavljena po ovom Pozivu se neće vraćati kandidatima.

Vaučer za posao koji popunjava nezaposlena osoba, u zavisnosti od Programa zapošljavanja za koji je ista zainteresovana odnosno za koji ispunjava uslove, preuzima se putem web stranice JU "Služba za zapošljavanje Kantona Sarajevo" <https://szks.ba/javni-pozivi/> ili direktno u JU "Služba za zapošljavanje Kantona Sarajevo" u Odjeljenju za podsticajne mjere zapošljavanja, ulica Đoke Mazalića 3, kancelarija br. 15/l ili općinskim biroima.

Stručna sprema se dokazuje diplomom ili drugim dokumentom – Uvjerenje ili svjedočanstvo, izdate od strane akreditovanih obrazovnih institucija u Bosne i Hercegovini. Uvjerenje ne može biti starije od jedne godine od dana sticanja stepena stručne spreme. Ukoliko fakultet nije završen u BiH ili je diploma stečena u nekoj drugoj državi nakon 06.04.1992. godine, potrebno je dostaviti nostrifikovanu diplomu.

Radno iskustvo se dokazuje potvrdom prethodnog poslodavca ili Uvjerenjem porezne uprave ili Uvjerenjem Federalnog zavoda za penzijsko-invalidsko osiguranje (Kantonalna administrativna služba) koja pored osnovnih podataka sadrži podatke na kojim poslovima je kandidat radio ili radi, sa kojom stručnom spremom i sa precizno navedenim periodom angažovanja. Radno iskustvo stečeno stručnim osposobljavanjem ili volontiranjem dokazuje se potvrdom prethodnog poslodavca koja sadrži osnovne podatke o kandidatu, na kojim poslovima je radio, sa kojom stručnom spremom, sa precizno navedenim periodom angažovanja, broj i datum ugovora o stručnom osposobljavanju, odnosno volontiranju.

Nezaposlene osobe koje podnose molbu odnosno vaučer po *Programu zapošljavanja Pripravnika VSS i SSS*, potrebno je da dostave Uvjerenje Federalnog zavoda za penzijsko-invalidsko osiguranje (Kantonalna administrativna služba) iz kojeg je vidljivo da nemaju radnog iskustva/staža odnosno da nemaju radnog iskustva/staža u struci.




GENERALNA DIREKCIJA

U slučaju potrebe za konkretnim angažmanom kandidata na određeno radno mjesto, Društvo će pozvati kandidata radi kompletiranja dokumentacije o ispunjavanju opštih i posebnih uslova koji su propisani za radno mjesto, popuniti vaučer za posao u dijelu koji se odnosi na poslodavca odnosno Društvo, te podnijeti aplikaciju za učešće u odgovarajućem Programu sufinansiranja zapošljavanja JU "Služba za zapošljavanje Kantona Sarajevo".

Prijem u radni odnos na određeno vrijeme će zavisiti od eventualnog odobravanja podnesenih aplikacija Društva sa predloženim kandidatom ili kandidatima od strane JU "Služba za zapošljavanje Kantona Sarajevo".

Molbe za prijem u radni odnos na određeno vrijeme sa pratećom dokumentacijom je potrebno dostaviti na adresu "JP BH POŠTA" d.o.o. Sarajevo, Obala Kulina bana br. 8, 71000 Sarajevo i iste će se zaprimati do zatvaranja Javnih poziva odnosno Programa sufinansiranja zapošljavanja JU "Služba za zapošljavanje Kantona Sarajevo".



"JP BH POŠTA" d.o.o. Sarajevo, Obala Kulina bana 8, 71000 Sarajevo, BiH

Tel: +387 33 252 613; Fax: + 387 33 252 743; e-mail: kabinet@posta.ba

Opcinski sud u Sarajevu br. rješenja 065-0-Reg-06-001196

Identifikacioni br. 4200682210005; PDV br. 200682210005; Porezni br. 01079729

kontakt centar

1312

www.posta.ba